

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
GRAD ZENICA
GRADSKO VIJEĆE**

Broj: 01-_____/25

**ZAPISNIK
SA ŠESTE SJEDNICE
GRADSKOG VIJEĆA ZENICA
održane 18. MARTA 2025. godine**

MART, 2025. godine

ZAPISNIK SA ŠESTE SJEDNICE GRADSKOG VIJEĆA ZENICA, ODRŽANE 18. 3. 2025. GODINE

Sjednica je počela s radom u 10.17 sati.

Sjednicom je predsjedavala Snježana Vrhovac, predsjedavajuća Gradskog vijeća Zenica. Sjednici je prisustvovalo 26 vijećnika čime su se stekli uslovi za punovažno odlučivanje. Vijećnice Zeldi Dizdarević i Irma Ormanović su najavile odsustvo s tematskog dijela sjednice. Prije prelaska na utvrđivanje dnevnog reda za današnju sjednicu na prijedlog predsjedavajuće Vijeća prisutni su minutom šutnje i učenjem Fatihe odali počast žrtvama požara u Sjevernoj Makedoniji zbog čega je Vlada Federacije BiH donijela Odluku kojom je utorak, 18. mart proglašen Danom žalosti u Federaciji.

Predsjedavajuća Vijeća je pročitala Prijedlog Dnevnog reda za današnju šestu sjednicu Gradskog vijeća Zenica kako slijedi:

I – TEMATSKI DIO SJEDNICE:

1. a) **Aktuelno stanje JU Apoteka „Zdravlje“ Zenica**
b) **Informacija o realizaciji Zaključka Gradskog vijeća broj: 01-45-4195/24 od 26.02.2024. godine sa prijedlogom modela reorganizacije i finansijske konsolidacije**
c) **Realizacija zaduženja po Zaključku Gradskog vijeća broj: 01-45-23744/24 od 16.12.2024. godine**
IZVJESTILAC: prof. dr. Muamer Halilbašić, ekspert i Sumea Mujkanović, pomoćnica Gradonačelnika za socijalnu zaštitu, stambene poslove i društvene djelatnosti
2. **Razmatranje aktuelne problematike grijanja u gradu Zenica**
IZVJESTILAC: predstavnici JP „Grijanje“ d.o.o. Zenica, Toplana Zenica d.o.o. i ArcelorMittal Zenica d.o.o.

II – RADNI DIO SJEDNICE:

1. **Zapisnik s pete sjednice Gradskog vijeća Zenica održane 24. 2. 2025. godine**
2. **Prijedlog Rješenja o imenovanju Upravnog odbora JU „Dom zdravlja“ Zenica**
IZVJESTILAC: predsjednik Komisije za izbor i imenovanja
3. **Prijedlog Odluke o dodjeli javnih priznanja Zenice**
IZVJESTILAC: predsjednik Ocjenjivačkog suda
4. **Prijedlog Rješenja o imenovanju Drugostepene komisije za rješavanje po žalbi protiv rješenja u prvostepenom upravnom postupku**
IZVJESTILAC: predsjednik Komisije za izbor i imenovanja
5. **Prijedlog Odluke o utvrđivanju prosječne konačne građevinske cijene 1m² korisne stambene površine na području Grada Zenica**
IZVJESTILAC: predstavnik Službe za urbanizam

Nije bilo prijedloga za dopunu Prijedloga dnevnog reda.

Vijećnici su se izjasnili glasanjem o Prijedlogu Dnevnog reda za šestu sjednicu Gradskog vijeća i isti usvojili s 26 glasova „ZA“, bez glasova „PROTIV“ i „UZDRŽAN“.

Izvještaji komisija Gradskog vijeća dostavljeni su pred sjednicu.

I – TEMATSKI DIO SJEDNICE:

Tačka 1. a) Aktuelno stanje JU Apoteka „Zdravlje“ Zenica

b) Informacija o realizaciji Zaključka Gradskog vijeća broj: 01-45-4195/24 od 26.02.2024. godine sa prijedlogom modela reorganizacije i finansijske konsolidacije

c) Realizacija zaduženja po Zaključku Gradskog vijeća broj: 01-45-23744/24 od 16.12.2024. godine

Uvodne napomene za ovu tačku dnevnog reda dala je Sumea Mujkanović, u svojstvu predstavnice Stručnog tima koja je prisutne podsjetila koje su aktivnosti završene od strane Stručnog tima, a u skladu sa zaključcima Gradskog vijeća, nakon čega je slijedila prezentacija prof. dr. Muamera Halilbašića, eksperta i člana Stručnog tima, koji je vijećnicima prezentovao prijedloge mogućih rješenja, odnosno modele finansijske reorganizacije i konsolidacije JU Apoteka Zdravlje Zenica te finansijsku analizu istih.

U diskusiji su učestvovali vijećnici: Malik Ejubović, Faruk Hodžić, Denan Pašalić, Amra Mehmedić, Semir Huseinović, Ernad Bešlić, Elmir Duvnjak i Nermin Mehić. U diskusiji su učestvovali Fuad Kasumović, Gradonačelnik Grada Zenica i Mirsada Strika, direktorica JU Apoteka Zdravlje Zenica. Vijećnicima se u okviru diskusije o ovoj tački dnevnog reda obratio i Nedžad Polić, generalni direktor „MGM FARM“ d.o.o. Kakanj. U diskusiji je učestvovao prof. dr. Muamer Halilbašić, ekspert dajući pojašnjenja i odgovore na usmeno postavljena pitanja vijećnika učesnika u raspravi.

Prije izjašnjenja vijećnika o predloženim modelima finansijske reorganizacije i konsolidacije JU Apoteka Zdravlje Zenica predsjedavajuća Vijeća je dala pauzu u trajanju od 10 minuta.

Nakon pauze vijećnik Faruk Hodžić je pročitao prijedlog zaključka Kluba vijećnika SDA u Gradskom vijeću Zenica koji glasi:

„Zadužuje se gradska uprava na čelu sa Gradonačelnikom da iskomuniciraju Ministarstvo zdravstva Zeničko-dobojskog kantona vezano za izdvajanje JU Apoteka Zdravlje Zenica iz kolektivnog ugovora po modelu u Tuzlanskom kantonu tj. u Tuzli“.

Vijećnici su se izjasnili glasanjem o ovom prijedlogu zaključka sa 11 glasova „ZA“, bez glasova „PROTIV“ i 15 glasova „UZDRŽAN“ nakon čega je predsjedavajuća Vijeća konstatovala da zaključak nije dobio potrebnu većinu.

Nakon zaključenja rasprave o ovoj tački dnevnog reda vijećnici su se izjasnili glasanjem o prijedlozima mogućih modela rješenja problematike JU Apoteka Zdravlje Zenica kako slijedi:

- Model 1. Unutrašnja reorganizacija i racionalizacija ustanove uz zatvaranje neprofitnih organizacionih jedinica, otvaranje novih apoteka, depoa na atraktivnim lokacijama, racionalizacija broja zaposlenih, nove investicije u Galenski laboratorij uz podršku Osnivača Vijećnici su se izjasnili glasanjem o ovom prijedlogu modela sa 10 glasova „ZA“, 14 glasova „PROTIV“ i 3 glasa „UZDRŽAN“ nakon čega je predsjedavajuća Vijeća konstatovala da isti nije dobio potrebnu većinu.
- Model 2. Javno-privatno partnerstvo na osnovu prethodno pripremljene studije opravdanosti, prema odlukama Gradskog vijeća i u skladu sa zakonskim regulativama u toj oblasti Vijećnici su se izjasnili glasanjem o ovom prijedlogu modela sa 18 glasova „ZA“, 2 glasa „PROTIV“ i 7 glasova „UZDRŽAN“ nakon čega je predsjedavajuća Vijeća konstatovala da je Model 2. usvojen.
- Model 3. Ugovor o upravljanju nakon provođenja potrebnih procedura (Upravljanje nad privrednim društvom od strane drugog privrednog društva) Vijećnici su se izjasnili glasanjem i o ovom prijedlogu modela sa rezultatom bez glasova „ZA“, bez glasova „PROTIV“ i 27 glasova „UZDRŽAN“.

Nakon prve tačke tematskog dijela sjednice predsjedavajuća Vijeća je dala pauzu u trajanju od pola sata.

Tačka 2. Razmatranje aktuelne problematike grijanja u gradu Zenica

Izvjestioci za ovu tačku dnevnog reda bili su Haris Polutan, direktor Toplana Zenica d.o.o. i Edin Rizvić, v.d. direktora JP „Grijanje“ d.o.o. Zenica.

U diskusiji su učestvovali vijećnici: Emina Babić, Faruk Hodžić, Ernad Bešliagić, Namir Škaljo, Elvis Alijagić, Nermin Mehić i Almir Dračo. U diskusiji su učestvovali Fuad Kasumović, Gradonačelnik Grada Zenica i Edin Rizvić, v.d. direktora JP „Grijanje“ d.o.o. Zenica koji je odgovorio na usmeno postavljena pitanja vijećnika učesnika u raspravi.

Po zaključenju diskusije o ovoj tački dnevnog reda vijećnici su se izjasnili glasanjem o prijedlozima zaključaka kako slijedi:

- Prijedlog zaključka vijećnika Nermina Mehića koji glasi: „Predlaže se da Grad Zenica nastavi s programom sufinansiranja projekata utopljanja objekata“ usvojen je s 20 glasova „ZA“, bez glasova „PROTIV“ i bez glasova „UZDRŽAN“
- Prijedlog zaključka Gradonačelnika da Gradsko vijeće prije potpisivanja ugovora između Toplane i Grijanja razmotri navedeni ugovor usvojen je s 20 glasova „ZA“, bez glasova „PROTIV“ i bez glasova „UZDRŽAN“.

II – RADNI DIO SJEDNICE:

Tačka 1. Zapisnik s pete sjednice Gradskog vijeća Zenica održane 24. 2. 2025. godine

Primjedbe na zapisnik dali su vijećnici Nermin Mehić i Ernad Bešliagić.

Primjedba vijećnika Nermina Mehića odnosila se na to da u zapisniku s pete sjednice nije navedeno da je vijećnik Amel Šišić učestvovao u diskusiji o Prijedlogu Odluke o dopunama Odluke o organizaciji i sigurnosti saobraćaja.

Primjedba vijećnika Ernada Bešliagića odnosila se na rezultate glasanja o tački 7. Prijedlog Rješenja o imenovanju Gradskog pravobranioca u Gradskom pravobranilaštvu Zenica koji su navedeni u zapisniku.

Vijećnici su se zatim izjasnili glasanjem o Zapisniku s pete sjednice Gradskog vijeća Zenica održane 24. 2. 2025. godine i isti usvojili s 21 glasom „ZA“, bez glasova „PROTIV“ i „UZDRŽAN“.

Napomena: Preslušavanjem audio zapisa s pete sjednice Gradskog vijeća utvrđeno je da je predsjedavajuća Vijeća konstatovala broj glasova pri glasanju o tački 7. Prijedlog Rješenja o imenovanju Gradskog pravobranioca u Gradskom pravobranilaštvu Zenica kako je navedeno u zapisniku.

Tačka 2. Prijedlog Rješenja o imenovanju Upravnog odbora JU „Dom zdravlja“ Zenica

Nije bilo potrebe za uvodnim napomenama.

U raspravi niko nije učestvovao.

Vijećnici su s 20 glasova „ZA“, bez glasova „PROTIV“ i 1 glasom „UZDRŽAN“ usvojili Prijedlog Rješenja o imenovanju Upravnog odbora JU „Dom zdravlja“ Zenica.

Tačka 3. Prijedlog Odluke o dodjeli javnih priznanja Zenice

Nije bilo potrebe za uvodnim napomenama.

U raspravi niko nije učestvovao.

Vijećnici su s 21 glasom „ZA“, bez glasova „PROTIV“ i „UZDRŽAN“ usvojili Prijedlog Odluke o dodjeli javnih priznanja Zenice.

Tačka 4. Prijedlog Rješenja o imenovanju Drugostepene komisije za rješavanje po žalbi protiv rješenja u prvostepenom upravnom postupku

Nije bilo potrebe za uvodnim napomenama.

U raspravi niko nije učestvovao.

Vijećnici su se o Prijedlogu Rješenja o imenovanju Drugostepene komisije za rješavanje po žalbi protiv rješenja u prvostepenom upravnom postupku izjasnili s 15 glasova „ZA“, bez glasova „PROTIV“ i 6 glasova „UZDRŽAN“.

Amra Mehmedić, predsjednica Kluba vijećnika BHI – Kasumović Fuad zatražila je poimenično glasanje. Gradonačelnik se zatim javio za riječ i dao određena pojašnjenja.

Vijećnici su se poimeničnim glasanjem o ovoj tački dnevnog reda izjasnili s 15 glasova „ZA“, bez glasova „PROTIV“ i 6 glasova „UZDRŽAN“, pa je predsjedavajuća Vijeća konstatovala da ova tačka dnevnog reda nije dobila potrebnu većinu.

Tačka 5. Prijedlog Odluke o utvrđivanju prosječne konačne građevinske cijene 1m² korisne stambene površine na području Grada Zenica

Nije bilo potrebe za uvodnim napomenama.

U raspravi su učestvovali vijećnik Namir Škaljo i Gradonačelnik.

S obzirom da je otvorena rasprava o ovoj tački dnevnog reda Gradonačelnik je zatražio saglasnost Vijeća za povlačenje iste.

Vijeće se izjasnilo glasanjem o zahtjevu Gradonačelnika za povlačenje ove tačke dnevnog reda i isti usvojilo s 21 glasom „ZA“, bez glasova „PROTIV“ i „UZDRŽAN“.

Sjednica je zaključena i završila s radom u 17.03 sati.

Sastavni dio ovog zapisnika je audiozapis, pohranjen u Stručnoj službi Gradskog vijeća, na osnovu kojeg se može ostvariti uvid u diskusije sa sjednice Vijeća.

**PREDSJEDAVAJUĆA
GRADSKOG VIJEĆA
Snježana Vrhovac**